

भली करी गुरु दाता

भली करी गुरु दाता,
जीव राखीयो, चौरासी में जाता,
भूलूँ नहीं लाखों बाता,
म्हारे गुरु वचनो रा नाता

करम गळी में आयो,
कर्मा सूं काठो कळायो,
गुरु बचा लियो दोन्यू हाथां,
म्हारे गुरु वचनो रा नाता
भूलूँ नहीं लाखों बाता,
म्हारे गुरु वचनो रा नाता

पगों थको पौंगलीयो,
म्हारो सतगुरु हेलो सम्भलीयो,
म्हे तो अधबल में रह जाता,
म्हारे गुरु वचनो रा नाता,
भूलूँ नहीं लाखों बाता,
म्हारे गुरु वचनो रा नाता

आंख्या थका अंधारो,
गुरु भूंडो हाल हमारो,
आंख्या थका अंधारो,
गुरु भूंडो हाल हमारो,
सतसंग रा खेल बताया,
म्हारे गुरु वचनो रा नाता,
भूलूँ नहीं लाखों बाता,
म्हारे गुरु वचनो रा नाता

मोह माया री लगी है भारी,
जिनमे बह गया कई बारी,
गुरु बचा लियो बह जाता,
म्हारे गुरु वचनो रा नाता,
भूलूँ नहीं लाखों बाता,
म्हारे गुरु वचनो रा नाता

सतगुरु सैण बताई,
सत सिमरत राम सुधि पाई,
गुरु शरणों में म्हारा माथा,
म्हारे गुरु वचनो रा नाता,
भूलूँ नहीं लाखों बाता,
म्हारे गुरु वचनो रा नाता।
भली करी गुरु दाता,

जीव राखीयो, चौरासी में जाता,
भूलूँ नहीं लाखों बाता,
म्हारे गुरु वचनो रा नाता

<https://www.bhajanganga.com/bhajan/lyrics/id/22267/title/bhalo-kari-guru-data>

अपने Android मोबाइल पर [BhajanGanga](#) App डाउनलोड करें और भजनों का आनंद ले |